

保安州志

保安州志卷一
 卷首
 志序
 凡例
 志圖
 重刊姓氏
 周錄
 土論
 臨幸
 恩詔
 天祐卷一
 星野
 祥異
 卷一

保安州志卷二
 地理
 卷一
 建置
 事關
 關隘
 山川
 衛志
 橋梁
 疆域
 形勝
 城地
 鄉堡

道先乙未重脩

保安州志

板藏州署

叙
自孔子作春秋創為編年明
天道人事辨地稽物以垂實
錄寓褒貶馬遷因之為史班
范因之有地理志郡國志而
華陽國志桂海虞衡志若
十道九域及一郡一邑靡不

序

一

有志辨山川疆域以息民爭
登賦額戶版以防加斂覈水
利橋梁以利農賈表賢孝
忠節以正俗昭化厥義綦嚴
保安為漢下洛地舊志脩于
康熙 卯歷今一百二十五年
續 殆不可緩也夫言治難

而言 北陲則保邊為尤難溯
自淳維繼夏肇遼朔漠朔舊
有眾維遼祢長族類滋繁漸
擾緣邊詩歌靡室攬抗之故
東遼以後戎南侵燕燕築造
陽初名上谷单于左王直上谷
東冒頓桀驚服北五戎斗辟

二

予地日以强悍衛霍樹威擊破
左地迺徙烏桓置尉廣寧
北庭墟廢鮮卑入據南部
驍健歸叛靡一晉魏見擾
于敕勒隋唐受杰于突厥遼
迫八金逼契丹元稍安戢
而明增掠害松漠花當制

馭口策洪維我

太宗文皇帝天聰六年首定察哈爾就

其地徧旗康熙十四年布爾尼叛

聖祖仁皇帝討平之并親征厄魯特討

噶爾丹

高宗 皇帝擒達瓦齊何 爾撒納

今

三

上俘張格爾誅之西域大定且於

里雅蘇台科布多皆設臺

命重臣鎮其域凡蒙族甲乙爭

尺土皆入

告以上卿往理之蓋準回為兀脫

歡太帥之 卒 屬 叛據

西鄙時擾蒙古并侵藏地西


域不平則蒙古不能靖而邊郡
皆能安西域乎而蒙古永
西北民皆永無患保安民人獲
士謀生百九十年不見兵革此生
民之幸即官斯土者之幸所謂
千載一時也故纂志叙北塞之
顛末較詳其建置田賦

四

學校人物皆綜昔志續次之自
懼寡陋敢質之精熟于邊
者

道光乙未孟秋

賜進士出身知保安州事前翰林院
庶吉士石屏楊桂森誤并書



保安州志

重修姓氏

總纂

奉直大夫知保安州事前翰林院庶吉士石屏楊桂森

嘉慶己未進士

參閱

保安州學正大成

劉天衢

嘉慶戊辰舉人

校輯

保安州吏目襄陵

李友梧

分修

前陝西沔縣典史

支應昌

州廩生

保安州志

卷一

姓氏

一

歲貢

趙琦

歲貢

朱耀先

增生

夏維謹

生員

魯書

採訪

歲貢

王折桂

恩貢

馬麟

廩生

楊福五

廩生

孫桂枝

廩生

楊真瑞

生員

支金科

生員

孫澍

生員

王敏

校對

生員

董廷瑞

生員

郭樹基

生員

崔玉綸

監刻

衛千總職銜

李炅觀

增生

杜如楷

保安州志

卷一

姓氏

二

生員

白繼善

生員

曾殿元

生員

朱佩

保安州志

凡例

一建置就今稽古以治城所在爲定漢縣最廣而今郡邑鄉境有占數縣者統以城治爲確按水經注下洛縣東北三十里有延河東流北有鳴雞山又曰濕水逕下洛城南魏燕州廣寧縣廣寧郡治今保安東北去雞鳴山三十里其爲漢下洛縣無疑舊志誤指保安爲涿鹿按酈注下洛東南六十里有涿鹿城今保安東南六十里有大礮山卽涿鹿涿水東北入濕水謂今桑乾河也今志從下洛不敢沿訛

保安州志

卷一

凡例

一

一保安州名始於元順帝後至元四年戊寅舊志創於康熙八年己酉寧公完福重修於康熙五十年辛卯梁公永祚舊志分輿地建置食貨風俗職官學校選舉人物典禮藝文武備雜述爲十二卷類九十九今照畿輔通志刊

聖諭於首次繪圖次分天地人物爲四部各以類從

一列宿二十八舍地居天十分之一中國居大地十分之二以二十八舍分屬中國前人多疑之今於星野照山河兩戒次其大畧而附以二十四氣天頂中星以定耕作之候

一保安懷 化村落相錯如瓜疇芋區不可辨識州南二里康家庄隸懷來州北十里上太堡隸宣化又新保安本隸州康熙三十二年并入懷來沙城東堡中堡舊隸州今東堡及中堡之東一半皆隸懷來凡村屯舊志多混今皆正之

一建置表列朝代遵綱目以正統爲主其偏安者冠以正統而旁敘其偏安之世以免歧異

一人物生存者不入傳生存者之藝文亦不入選論未定也惟節婦三十歲以前守節逾五十歲例得請旌雖生存并入志以慰苦守以昭獎勵

保安州志

卷一

凡例

二

一康熙辛卯重修志後越今一百二十五年職官履歷存檔者半多霉朽今悉心搜訪有可考者錄之有其人而忘其在任年歲或忘其科貫者并紀其可考而缺其所忘不敢附會昭愼也

一舊志修於通志之前府志修於通志之後府志吳公廷華所定在前有尹耕三關兩鎮志孫世芳宣鎮志吳志歷辨尹孫之訛然吳志既知下洛爲保安卽燕州卽廣寧而于懷安仍指爲下洛又指萬全爲廣寧亦往往背于水經今皆正之

一人物最難考實豪華之祖宗未必實德而多人傳孤

弱之高曾雖極貞苦而往往逸之藝文亦然今志人物仍舊志新入者必細爲考覈其藝文本屬膚末惟有關沿革及風教者始入選以嚴本末之辨云

一田賦戶口經費仍敘舊志所載以道光十五年頃畝征額及保甲所報戶口爲定詳列於篇

一儀注樂章惟

文廟爲最備詳考

先聖崇祀始末其樂章悉遵

欽定樂譜凡春秋簫笛四上備述之以昭法守

一鄉飲古禮也今或多失其實不入於篇捐貢捐監捐

保安州志

卷一

凡例

三

職例不書重制科也

保安州志卷首

目錄

志序

重修姓氏

凡例

目錄

志圖

恩詔

臨幸

天部卷一

星野

中星
日出入表

氣候

祥異

地部卷一

建置

表
附
記事

疆域

關隘

保安州志

卷一

目錄

一

形勝

山川

城池

衢巷

鄉堡

村莊

溝壑

橋梁

第二卷

祠祀

學校

書院

義學附

田賦

經費

鹽課

雜稅附

學田

戶口

倉貯

義倉附

養濟院

留養局

貧民口
糧附

義塚

坊表

第三卷

兵防

墩

軍

集市

水利

公署

古蹟

冢墓

人部卷一

職官

名宦

忠烈

選舉

封爵

仕宦

武仕宦

恩蔭

薦辟

第二卷

鄉賢

忠義

孝友

敦行

文學

節婦

保安州志

卷一

目錄

二

烈婦

烈女

耆碩

流寓

仙釋

醫術

禮儀

風俗

第三卷

藝文

疏

傳

議

記

序

辨

引

賦

箴

詩

五古

七古

五律

七律

五絕

七絕

詩餘

附補錄

物部卷一

物產

第二卷

雜紀

第三卷

舊志序


保安州志



卷一


目錄

三


保安州志圖









三




新州書院圖



四





謨訓

順治九年

御製卧碑置明倫堂左曉示生員

朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以供朝廷之用諸生皆當上報國恩下立人品所有教條開列於後

生員之家父母賢智者子當受教父母愚魯或有非爲者子旣讀書明理當再三懇告使父母不陷于危亡
一生員立志當學爲忠臣清官書史所載忠清事蹟務須

保安州志

卷一

上諭

一

互相講究凡利國愛民之事更宜留心

一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者往往自殺其身常宜思省

一生員不可干求官長交結勢要希圖進身若果心善德全上天知之必加以福

一生員當愛身忍性凡有司官衙門不可輕入卽有切己之事止許家人代告不許干與他人詞訟他人亦不許牽連生員作証

爲學當尊敬先生若講說皆須誠心聽受如有未明從

容再問毋妄行辨難爲師亦當盡心教訓勿致怠惰
一軍民一切利病不許生員上書陳言如有一言建日以
違制論黜革治罪

一生員不許糾黨多人立盟結社把持官府武斷鄉曲所
作文字不許妄行刊刻違者聽提調官治罪

康熙四十一年

御製訓飭士子文頒行直省各學

國家建立學校原以興行教化作育人才典至渥也朕臨
御以來隆重師儒加意庠序近復慎簡學使釐剔弊端務
期風教修明賢才蔚起庶幾樸棫作人之意乃比年士習

保安州志

卷一

上諭

一一

未端儒效罕著雖因內外臣工奉行未能盡善亦由爾諸
生積錮已久猝難改易之故也茲特親製訓言再加警飭
爾諸生其敬聽之從來學者先立品行次及文學學術事
功源委有敘爾諸生幼聞庭訓長立宮墻朝夕誦讀寧無
究心必也躬修實踐砥礪廉隅敦孝順以事親秉忠貞以
立志窮經考業勿雜荒誕之談取友親師悉化驕盈之氣
文章歸於醇雅毋事浮華軌度式於規繩最防蕩軼子衿
挑達自昔所譏苟行止有虧雖讀書何益若夫宅心弗淑
行已多愆或蜚語流言挾制官長或隱糧包訟出入公門
或唆撥奸猾欺孤凌弱或招呼朋類結社要盟乃如之人

名教不容鄉黨勿齒縱倖脫褫扑濫竊章縫返之於衷寧無愧乎况夫鄉會科名乃掄才大興關係尤鉅士子果有眞才實學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取囂陵騰沸網利營私種種弊端深可痛恨且夫士子出身之始尤貴以正若茲厥初拜獻便已作奸犯科則異時敗檢踰閑何所不至又安望其秉公持正爲國家宣猷樹績膺後先疏附之選哉朕用嘉惠爾等故不禁反覆惓惓頒茲訓言爾等務共體朕心恪遵明訓一切痛加改省爭自濯磨積行勤學以圖上進國家三年登造束帛弓旌不特爾身有榮卽爾

保安州志

卷一

上諭

三

祖父亦增光寵矣逢時得志寧俟他求哉若仍視爲具文玩愒勿傲毀方躍冶暴棄自甘則是爾等冥頑無知終不能率教也旣負栽培復干咎戾王章具在朕亦不能爲爾等寬矣自茲以往內而國學外而直省鄉校凡學臣師長皆有司鐸之責者並宜傳集諸生多方董勸以副朕懷否則職業勿修咎亦難逭勿謂朕言之不預也爾多士尙敬聽之

雍正三年

御製朋黨論

朕惟天尊地卑而君臣之分定爲人臣者義當惟知有君

惟知有君則其情固結不可解而能與君同好惡 是之謂一德一心而上下交乃有心懷二三不能與君同好惡以至於上下之情睽而尊卑之分逆則皆朋黨之習爲之害也夫人君之好惡惟求其至公而已矣凡用舍進退孰不以其爲賢而進之以其爲不賢而退之惟或恐其所見之未盡當也故虛其心以博稽衆論然必衆論盡歸於至正而人君從之方合於大公若朋黨之徒挾徧私以惑主聽而人君或誤用之則是以至公之心反成其爲至私之事矣孟子論國君之進賢退不肖旣合笙右諸大夫國人之論而必加察焉以親見其賢否之實洪範稽疑以謀及

乃心者求卿士庶民之從而皇極敷言必戒其好惡偏黨以歸於王道之蕩平正直若是乎人君之不自用而必欲盡化天下之偏私以成大同也人臣乃敢溺私心樹朋黨各徇其好惡以爲是非至使人君懲偏聽之生奸謂反不如獨見之公也朋黨之罪可勝誅乎我

聖祖仁皇帝御極六十年用人行政邁越千古帝王而大小臣僚未能盡矢公忠往往要朋結黨

聖祖戒飭再三未能盡改朕卽位以來屢加申飭而此風尙存彼不顧好惡之公而徇其私矐牢不可破上用一人則相與議之曰是某所汲引者也於是乎遠之若浼曰吾避

嫌也不附勢也爭懷奸心交騰謗口以媒孽之必欲去之而後快上去一人則相與議之曰是某所中傷者也親暱者爲之惋惜疎遠者亦慰藉稱屈卽素有嫌隙者至此反致其殷勤欲借以釋憾而修好求一人責其改過自新者無有也於是乎其人亦不復自知其過惡而愈以滋其怨上之心是朝廷之賞罰黜陟不足爲重輕而轉以黨人之咨嗟嘆息爲榮以黨人之指摘詆貶爲辱亂天下之公是公非作好惡以陰撓人主予奪之柄朋黨之爲害一至是哉且使人主之好惡而果有未公則何不面折廷爭而爲是陽奉陰違以遂其植黨營私之計也書曰予違汝弼汝

無面從退有後言當時君臣告語望匡弼而以面從後言爲戒夫是故一堂之上都俞吁咈用能賡歌拜颺以成太和之運朕無日不延見羣臣造膝陳詞何事不可盡達顧乃默無獻替而狡獪叵測蓄私見以肆爲後言事君之義當如是乎古純臣之事君也必期致吾君於堯舜而人君亦當以堯舜自待其身豈惟當以堯舜待其身亦當以臯夔稷契待其臣孟子曰責難於君謂之恭陳善閉邪謂之敬吾君不能謂之賊夫以吾君不能而謂之賊則爲君者以吾臣不能亦當謂之忍語云取法乎上謹得乎中苟不以唐虞君臣相期待而區區效法僅在漢唐以下是烏能

廓然盡去其私心而悉合乎大公至正之則哉宋歐陽修朋黨論創爲異說曰君子以同道爲朋夫罔上行私安得爲道修之所謂道亦小人之道耳自有此論而小人之爲朋者皆得假同道之名以濟其同利之實朕以爲君子無朋惟小人則有之且如修之論將使終其黨者則爲君子解散而不終於黨者反爲小人乎設修在今日而爲此論朕必飭之以正其惑大抵文人掉弄筆舌但求騁其才辯每至害理傷道而不恤惟六經語孟及宋五子傳註可奉爲典要論語謂君子不黨在易渙之六四曰渙其羣元吉朱子謂上承九五下爲應與爲能散其朋黨之象大善而

吉然則君子之必無朋黨而朋黨之必貴解散以求元吉聖人之垂訓亦旣明且切矣夫朋友亦五倫之一朋黨不可有而朋友之道不可無然惟草茅伏處之時恒資其講習以相攸助今旣登朝泣官則君臣爲公義而朋友爲私情人臣當以公滅私豈得稍顧私情而違公義且卽以君親之並重而出身事主則以其身致之於君而尙不能爲父母有况朋友乎况可藉口於朋以怙其黨乎朕自四十五年來一切情僞無不洞矚今臨御之後思移風易俗躋斯世於熙皞之盛故兼聽並觀周諏博採以詳悉世務且熟察風俗之變易與否而無知小人輒議朕爲煩苛瑣細

有云人君不當親庶務者信若斯言則臯陶之陳謨何以云一日二日萬幾孔子之贊舜何以云好問好察此皆朋黨之錮習未去畏人君之英察而欲蒙蔽耳目以自便其好惡之私焉耳朕在藩邸時坦易光明不樹私恩小惠與滿漢臣工素無交與有欲往來門下者嚴加拒絕

聖祖見朕居心行事公正無私故令纘承大統今之好爲朋黨者不過冀其攀援扶植緩急可恃而不知其無益也徒自逆天悖義以陷於誅絕之罪亦甚可憫矣朕願滿漢文武大小諸臣合爲一心共竭忠悃與君同其好惡之公恪遵大易論語之明訓而盡去其朋比黨援之積習庶肅然有以凜尊卑之分歡然有以洽上下之情虞廷賡歌颺拜明良喜起之休風豈不再見於今日哉

乾隆五年

御製訓飭士子文

上諭士爲四民之首而太學者教化所先四方於是觀型焉比者聚生徒而教育之董以師儒舉古人之成法規條亦旣詳備矣獨是科名聲利之習深入人心積重難返士子所爲汲汲皇皇者惟是之求而未嘗有志於聖賢之道不知國家以經義取士使多士由聖賢之言體聖賢之心正欲使之爲聖賢之徒而豈沾沾焉文藝之末哉朱子同安

縣諭學者云學以爲己今之世父所以詔其子兄所以勉其弟師所以教其弟子弟子之所以學舍科舉之業則無爲也使古人之學止於如此則凡可以得志於科舉斯已爾所以孜孜焉愛日不倦以至於死而後已者果何爲而然哉今之士惟不知此以爲苟足以應有司之求矣則無事於汲汲爲也是以至于惰遊而不知反終身不能有志於學而君子以爲非士之罪也使教素明於上而學素講於下則士者固將有以用其力而豈有不勉之患哉諸君苟能致思於科舉之外而知古人之所以爲學則將有欲罷不能者矣觀朱子此言洵古今通患夫爲己二字乃入

聖之門知爲己則所讀之書一一有益於身心而日用事物之間存養省察闇然自修世俗之紛華靡麗無足以動念何患詞章聲譽之能奪志哉况卽爲科舉亦無碍於聖賢之學朱子云非是科舉累人人累科舉若高見遠識之士讀聖賢之書據吾所見爲文以應之得矢置之度外雖日日應舉亦不累也居今之世雖孔子復生也不免應舉然豈能累孔子也朱子此言卽是科舉中爲己之學誠能爲己則四書五經皆聖賢之精蘊體而行之爲聖賢而有餘不能爲己則雖舉經義治事而督課之亦糟粕陳言無裨實用浮僞與時文等耳故學者莫先辨志志於爲己者

聖賢之徒也志於科名者世俗之陋也國家養育人材將
用以致君澤民治國平天下而囿於積習不能奮然求至
於聖賢豈不謬哉朕膺君師之任有厚望於諸生適讀朱
子書見其言切中士習流弊故親切爲諸生言之俾司教
者知所以教而學者知所以學欽此

臨幸

康熙三十五年九月

上親征噶爾丹出居庸關由張家口出邊十二月迴

鑾幸保安駐蹕州南關次日迴

鑾

保安州志

卷一

恩詔

九

乾隆十年

上幸木蘭由多倫諾爾進張家口迴

鑾九月十九日駐蹕州境沙城西堡

恩詔

順治元年

詔免宣化府屬州縣稅糧三分之一

八年

詔免宣屬州縣五年以前舊欠錢糧

康熙四年

詔免直屬舊欠錢糧

二十年二月

詔免圈撥田地城堡錢糧

二十四年

詔免本年地丁錢糧十分之三及二十三年未完者盡行
豁免 本年奉

上諭宣屬地土瘠薄秋禾被災本年應徵錢糧除已納外
其未完者俱免徵其三十五年應徵錢糧仍照順天等
四府通行蠲免 本年七月奉

上諭大學士此次軍興宣大兩府飼馬修路百姓勞苦至
矣俟十月間啟奏以蠲宣大兩府所屬州縣來歲田租

保安州志

卷一

恩詔

十

本年九月復奉

上諭戶部宣屬州縣錢糧前已屢經蠲免但比年以來所
屬州縣牧養軍前需用馬匹又大兵絡繹往來各有支
給經費而供役甚繁殊勞民力朕巡幸經臨深切軫念
着將康熙三十六年宣屬應徵地丁銀米全行豁免仍
行文該督撫通行曉諭俾民間均沾實惠以副朕寬恤
黎庶之至意

四十五年五月

詔免直屬自四十一年至四十三年民欠錢糧

四十九年十月奉

上諭直屬五十年應徵銀米及本年以前舊錢糧通行豁免

五十四年十月奉

詔免宣屬五十五年應徵銀米穀通行蠲免

五十九年十二月奉

詔蠲五十九六十年錢糧俱免徵

雍正六年奉

旨蠲免直屬錢糧每兩蠲免銀一錢七分一釐九毫

八年九月奉

旨蠲免直屬錢糧每兩免銀一錢六分六釐

保安州志

卷一

恩詔

十一

十三年九月

詔免十二年以前舊欠錢糧

乾隆二年四月

上諭蠲免直省本年應徵錢糧每兩免銀二錢八分四釐七毫

三年十月

上諭自雍正十三年至乾隆二年直屬緩徵帶徵及未完錢糧概行豁免

四年三月奉

詔免本年地丁錢糧每兩免銀三錢六分七釐八毫

十年

皇上巡幸木蘭進張家口 駐驛州境沙城西堡嗣奉

上諭車駕經由州縣蠲免本年應徵額賦十分之四又免
應徵屯糧三分之一兼賑米穀豆銀以濟本年霜旱冰
雹之災 十三年照 例蠲免兼賑米石

乾隆五十二年旱災給賑米六千八百四十八石二
斗八升七合五勺銀八千四十七兩六錢二釐

嘉慶六年被水豁除地稅銀二十九兩九錢八釐糧
五十八石一斗六升

十四年欽奉

保安州志

卷一

恩詔

十一

恩詔查報坍塌地畝豁除地稅銀一百五十四兩八錢九
分三釐糧三十四石四斗二升五合四勺

二十四年欽奉

恩詔查報坍塌地畝豁除地稅銀一百一兩六錢九分三
釐糧二百六十四石五斗五升八合七勺

道光十二年旱災蠲免正丁銀九百八十七兩一錢
五分三釐改折銀七百一十一兩五錢一分六釐
八毫糧米八百三十九石五斗一升四合七勺二

抄

十二年旱災給賑銀四千零八十兩屯米二千石

十三年春展賑給銀一千五百九兩一錢一分七釐
給義倉穀九百一十四石七斗九升

保安州志

卷一

恩詔

十三

保安州志卷一終

